



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellus Sodalitatis: Hoc Est: Christianarum Institutionum Libri quinque

Coster, Franciscus

Antverpiæ, 1587

8 Remedia contra inuidiam.

[urn:nbn:de:hbz:466:1-46553](https://nbn-resolving.org/urn:nbn:de:hbz:466:1-46553)

REMEDIA CONTRA IN-
VIDIAM.

Lib. 5.
Moral.
cap. 34.

PRIMUM ex B. Gregorio: Qui (ait) li-
uoris peste plenè carere desiderat, illà he-
reditatem diligit, quam cohæredum nu-
merus non angustat, quæ & omnibus vna est,
& singulis tota; quæ tanto largior esse ostēdi-
tur, quanto ad hanc percipientium multitudo
dilata sit.

Hom. de
inuidia.

2. Ex D. Basilio, nihil existimare magnum
esse in hac vita. Nihil (inquit) rerū huma-
narum magnum, aut supra naturā existimemus:
non enim in rebus fluxis bonū constituimus.

3. Frequens cogitatio de iis rebus, quæ ad
fraternū amorē excitare possunt: vt sunt eadē
natura, eadem Christi beneficia, eiusdē hæ-
reditatis promissio, quodque reuera non plus
mereris honoris, quam quiuis alius; cū æqua-
liter omnes Deo dicant, Pater noster, qui es in
caelis: quinimò si vitia tua spectes, indignus
sis, cui vel minimus honor habeatur.

4. Considerare, cui per inuidiā similis effi-
ciaris. Nam sicut de charitate dicit B. Ioan-
nes, *Qui manet in charitate, in Deo manet, & Deus
in eo: & omnis, qui diligit, ex Deo natus est, & scit
ille est, nos sumus in hoc mundo:* Ita de inuidia di-

1. Ioan. 3. cit idem, *Cain ex maligno erat, & occidit fratrem
suum.* Et D. Chrysostomus: Inuidia hominem
in diaboli condicionem, atque in dæmonem
immanissimum conuertit.

5. Consideratio damni atq. malorum, quæ
adferuntur.

adfert inuidia; & bonorum, quæ adfert charitas. Inuidia siquidem, vt ait D. Basilius, nemini magis nocet, quàm auctori. Sicut enim (inquit D. Augustinus) ærugo ferrum: ita inuidia ipsam animã, in qua est, interimit, & consumit. Omnibus grauis est inuidus, nemini charus; ridetur ab omnibus, illi nemo compatitur. Nã sicut hoc vitium proprium est diaboli (vt ait D. Basilius) ita & ad inuidum affecti sunt homines, vt affici solēt erga diabolum. Contra verò charitas letitiam parit, aliorum bona etiam nostra facit, amorē aliorum conciliat, &c. vt est apud D. Chrysostomum, & D. Gregorium pastoralis curæ parte 3. Admonitione II.

Homil. de inuidia. Serm. 81. de tepore.

Hom. in aliquot scripturae locos.

Hom. 44. ad popul. Ant.

CAPVT IX.

REMEDIA CONTRA IRAM.

PRIMUM ex D. Basilio, vt statim atque moueri te sentis, iram cõhibeas: & si internam commotionē fortasse sedare non possis, saltem linguam contineas, vt neq. bona loquaris, neq. mala, ne quid laxata effutiat, quod ira, non ratio dicitur: & potius te ad orandum conuertas, tuamq̃ infirmitatem Deo curandam proponas.

Hom. de Ira.

2. Ex B. Gregorio. Vt mens (inquit) sollicita, antequam aliquid agere incipiat, omnes sibi, quas pati potest, cõtumelias proponat; quatenus Redemptoris sui probra cogitãs, ad aduersa se præparet. Iacula enim præuisa minus feriunt.

Lib. 5. Moral. cap. 32.

K 2 3. Ex